

兩朝從信錄

兩朝從信錄卷之十七

秀水 沈國元述

癸亥

天啓三年

正月

吏科陳熙昌上言歲序方新乞推廣德意重恤人才召還諫臣熊德陽侯震賜江秉謙賈繼春四人

督餉巡按江日彩因援遼總兵毛文龍將東征將士海運

使更有此
次龍去官

委官竊效按臣復命之典人列四六考語特疏舉刺甚

至朝鮮君臣與夫宰執經略督餉部院司道管餉主事登萊巡撫海防各道以及於餉臣無不入列姓名盡在薦揚

之中而歸重於推官孟養志武帥越俎深駭聽聞乞

勅樞部行查海上若果文龍所爲則申飭文龍只宜練兵
乘隙掃蕩奴穴以慰中外之望無節外生枝自累功名若
奸人假托以害文龍或有躍冶之人借文龍自爲以誤文
龍則速查其人正法以清播奸之計使外國知中朝有
不可踰之紀綱而文官振紀於朝武將奮功於野各自
盡職正所以愛文龍也

北直巡按倪應春上言盧龍爲神京第一咽喉永屬爲
畿東第一困苦謹摘目前關切事宜仰塵

睿覽切惟永平彈丸卽云外障夷虜內拱神京萬灶云

屯田馬八
以無奇策
只是實實
行地方利
人情休
公論中
理明白皆
之施為勿
失難勿中
此使上下
早其成功
勿無愧于
百于此疏
第十經
若此臨事
精細可知

屯百務蠲集著此土者力殫于急公皮骨幾不能存官此
地者識暗于當局綱領茫不知問苦者自民終日在水火
中誰肯實心拯救賜之安全乎何不借遼事一照乎遼之
失非盡天運然也軍民雜處民不勝擾又不勝濡文武悠
悠恬不加意于是民心潰軍机失遼之土安得不失也遼
失而永平危矣永平危而天下能安枕哉然則安永平者
以天下安危為念是大臣志
正以安天下也臣敢摘其大關切者為我

皇上陳之一議駟邇往時車馬二役計六局站銀共三萬
二千九百七十餘兩召募積役如糴役不能支而邇且盡
矣有司不善酌處遂愈富民充之富民不能支往來之邇

轉而催舊之積慣者恣其所費索富民無厭富民又費不可計矣且地瘠人疲富者原非真富一家充之又扳兩三家計之一僉再僉一扳再扳富者几家安得不貧哉至于富者貧也勿論軍需不可問而駟路不旣塞乎及訪之六局呈云二次加派站銀二萬四千四百七十餘兩何不再以此銀召募舊役仍苦富民乎如謂銀尚不敷何不再爲酌處乎最可恨者富民久爲應役而不與以工食則何解也豈非以富民可以魚肉而積役不便勸措乎借曰積役無多產不敢再召何前此之易使也果能停酌處當令彼稍得沾潤彼積役原寄衣食于此豈肯不應募也則加工食

以募舊役冊令偏累富民真有頃刻不能緩者矣一議協濟永平六駟每年自有額銀自東事興而加派八千六兩矣不敷仍議河南山東山西協濟一萬一千五百三十六兩五錢零外解不至又加派一萬六千四百六十八兩矣夫此加派二萬四千四百七十四兩者原以此代天下之役而各省尚欠一萬九千二百有奇奈何秦越視而漫不爲應也向爲軍儲一派今爲駟遞再派民其能堪命耶且此協濟銀兩各省業已派于民而入于官堪爲永平駟遞之需不解而民受其害官收其利毫無補于永屬車馬之萬一則協濟竟屬空名而加派祇滋漏卮耳臣以爲宜如

考成法一切各駟協濟銀兩勒期解給。歲給聽本省撫按官該具奏祇候。

皇上斥陟駟遍庶其有濟乎。如不足用請于新餉內照數支給。夫新餉糜費金錢數百金。即以永屆加派之數添入其中。不過江河涸滴耳。而永派竟從寬免。其何愛此涓滴而不以救窮黎涸轍之困也。雖然駟費無涯。物力有限。節浮清陋實惟監司是賴。如見任堪州道臣邵可立原任密云道臣李養質查核牌票料理錢糧于駟不擾于民不困。口碑載道芳規可即。但得各道臣加意振刷其遵制之所餘弘矣。否則錙銖取而泥沙用。烏川此道臣爲哉。一議糧

草夫根草軍馬之命也。當事者可易視哉。况東事茫茫。蕩
平日遠。物力有限。久用即窮。何不亟議屯田之法也。或謂
分土已定。無田可屯。何如擇民間之土地。多價易之。立官
屯田。亦是正法也。然世間人止知吃現成飯。用現成物耳。
幾个家事視。國爲軍馬圖。永賴者哉。即求心計之長。如
督餉道錢士晉者。亦難屈指也。憐永平郡灾慨然以米耳。
爲已任掣前年未用之價。權買運于天津。于民不擾。于軍
自裕。則真督餉者矣。第米豆乃便運之物。惟草束則最難
運也。經撫憐灾郡。兼取隣封。亦臨渴掘井之計耳。使當秋
初。即議採青。何至强灾民以不堪耶。雖名曰官價。非白白

取民者然。物粗路遠。每束所值幾何。而往來之費。不啻十倍。也有法于此。未秋之時。擇一精廉判官。議定市草之場。價比市豐。誰不熙熙富而多草者。爭赴于市。貧而無草者。且不難爲販草之行。等官價耳。以官價迫民。則苦矣。以官價與民。則甘矣。唐陸宣公之議。若爲今日而作者。倣而行之。真可對症。舍採青利市。別議積草者。除是天降地湧。可耳。天地不能爲我積。而我不豫辦。甚至迫索于隆冬。沍寒之時。此軍民兩困之術也。一恤臣私。向司牧北平者。政事本簡。而養廉反厚。今各官拮据。十倍于昔。桂薪米珠。又數倍于昔。乃抽扣馬夫銀兩。濟遼。每年以四十金計。夫府州

縣正官尚有別項經費而各廳則仰事俯育實式賴焉前
歲裁革紙張銀十二兩至文移自行買辦已屆不情而迺
減通判各官既憂百責交萃又苦一飽無時重祿勸士此
何地何時而令殫其心于遼復奪其粟于遼左太倉得之
何加毫末而在冷署失之奚啻百萬也至于胥役朝夕奔
馳勞苦倍常工食不加而反扣其半毋乃誨之盜乎臣督
餉時業已奉

旨通行搜括各役姑爲權宜之政所宜免行抽扣以恤其
私者也一議衙役我疆旣縮則山海自當云屯矣徃時一
通判一職方儘足勾當諸大吏不恒住札也今文武星聚

諸事草創武將添設然軍屬各充其用不勞另措焉者至
經略各道衙治新聞各有應用人役供使戎間却與武之
役軍者大相懸殊且諸臣所用役胥取之六局更番往來
道相望也工食不充役咸苦之六局明知諸役之苦雖欲
豐其工食鼓其易使獨以公賦有限用難旁及耳添衙門
而不添差役添差役而不議其工食乃民之最不便者計
諸役所費料不甚多且事既成行便可取足軍餉事體人
情只此爲便亦安地方之道也一議鄉兵古者寓兵于農
惟農不擾而後兵乃足耳唐之府兵尤有遺意今民與兵
分祇知募兵不知安民今日募兵明日加稅內心不安外

討終是混局。或謂募兵善途。群然起鄉兵之說。夫鄉兵莫可練也。禦不測防小盜。一呼立應。豈不甚便。然民累極矣。彼且朝不謀夕。易動難安。不固所以安之。輒迫而練之。不閉門而走。借戈而亂矣。是練兵乃所以召亂也。安之亦有道焉。永平距賊。只隔壁耳。人心久已震驚。若不早加收拾。則內潰可虞也。須將兵中諸色之川。盡取之別處。且嚴禁貪墨。勿使腹削底疲。累之民。稍見喘息。然後曉之以利害。激之以忠義。而鄉兵始可練矣。練之又有人焉。遵化鄉官馬思恭。原以兵備致仕。胸有異才。甘爲石隱。恨廣寧之陷。遼人失所。乃感奮出。揭悲歌。痛快令人動墳墓之思。今具

揭爲募義者。刊遍長安。其爲桑梓慮最詳且遠也。此時宜酌量起用。開募永平。責以練兵。後有成效。優擢以風有位。或者曰。權無兩大。得無以鄉紳掣有司之肘乎。不知以鄉兵衛鄉土。利害自然關切。以鄉長而統鄉兵。聲氣自然應求。有司簿書殷煩。不暇時時照管。第間一至鄉。與鄉紳次第操閱。勞以牛酒。獎以花紅。且念人情難于慮始。旣練于鄉矣。不得縶以兵。而征調不及。需索有禁。誰謂恩威不屆諸有司也。如此則人人爭奮。步步皆兵。即有不測。剗挺撻之。有餘勇矣。安永平而保山海。大計不出于此。伏乞勅下該部。再加酌議。上請施行。俾留此一路子遺爲。

砲似一
車砲因
一口氣
公滿紙
購發
則手也

皇上供軍需。扞城圉。庶山海之鎖鑰益固。而邦畿之聲勢愈壯矣。

南直巡按易應昌進車砲製式

其疏曰。東西蠢動。所在告急。總以山海一關之外為劇。而一關之外。求奴之長策。策全恃奸細。然使我兵有一旅能堅陳陣以待。何至望風輒潰。盡墜奸計之中也。若徒厚集援兵。不盡點定之法。更以我驍刀騎射之三。知以當奴之三。長未有不走者。故臣之愚見。禦奴之策。畢竟求之車砲為是。非不知各處所設車制。與山海關之車管。原不乏也。往年工部所發出關火器。以百萬計。曾無一濟于用。至于今。而獨有他。謂巧乎。靜言思之。意者非車砲之無可用。而實未盡車砲之用也。臣于巡歷之暇。每與差出戶部主事臣曹楨吉細語此事。部臣因而細求其製。遂集其鄉以東人士。逐件製成。乃如一切花法。如火龍。經所載火人。火馬。火櫃。地雷之屬。皆止可間設一出。而不可常恃者也。因即舊式而變易之。凡為車式者。四為砲式者。共閱其製。頗悉其意。有可得而指陳。

正郭此
輦輪車

者其言曰：兵家隨地應變，各有所宜。陸戰者不可語于水，中國之戰不可語于夷狄。非虜之戰不可語于東夷，故虜一也而戰法異者，非虜逐水草無定居而奴據穴據城有所定也。故禦奴之法，地有所必至而不悉其不應勢有所必應而不患其不疲，要在步步為營，步步推營以進之而已。奴驟來變我而營不開也，詳去誘我而營不動也，惟營密進得寸則寸，得尺則尺，則日在其伏中而不驚也，而後我可以得志。故製為編輪車以立營盤，其製四輪，其一面向敵者，闊四尺，旁乘出二牌，各一尺，上層隙孔而施噴筒，毒藥中層隙孔而施火箭，火射下層則變獨圓弩而為三圓弩，一發九矢，用打虎藥傳其銳，九發而八十一矢過而開匣，蓋之循環如前。車之中央為強木心，出車頂二尺，用鉄紐繫四鐺運其心，則四鐺環繞飛繫約去車丈許，人不可近，其上則施披水二板，如木屋，其旁俱為馬牌，蓋之牌亦撐人覆其下，推之而走于中，可施橫板遇風雨士卒可不至暴露。以此車式製若干輛，用橫木鉄勾，彼此相聯，隨其地之方員曲直以為營盤，而後益以拒馬伏弩之類，奴雖有鉄騎何敢馳突？何憂站不住？彼既不得馳突，我故可推之而密進，所謂進寸則寸，進尺則尺也。或不止于站住而

已也。登立矣。猝遇奴來。何可不擊。又于營盤每車相夫。之餘。橫木鈞聯之中。復有小冲車。前額輪。後以鉄鏈爲。雙足行。則推輪止。則按鉄足入土。使之不動。一人推之。四人執器。隨之。車前端亦有二脚。不施餘火器。惟載提心銃一門。蓋都城所有諸火器。其器雖大。乃載以車而。放以地。終費手勢。且一放之後。整起更入前葉。無論忙迫。奴騎已來。不又施矣。今所製提心銃。率放則于車上。每銃一門。提心有五脚。以五卒分推之。一心纔發。一卒即前提之。又入一心。又一卒提之。如此循環。至于五心。纔畢。則頭一卒提心製藥。又來入放。雖繼至百响。不歇可也。此提心之法。雖木子佛郎机。然原製甚小。又聞定海衛禦倭。雖用之。而其製較短。今長爲鉄管。可四尺。并提心鉄池鉄柄。可六尺二寸。一提心可發鉛子百粒。遠可二三百里。計管長故也。其身之式。則大佛郎机也。其製子之多。則百子銃也。其氣力。則壯大。則三將軍也。蓋氏郎机。自子銃三將軍。合而爲一者。也。計一門百子。發至百步外。則已撒開。竟可大餘數百門。齊發。愈遠愈寬。使更多爲之。何懼奴之蜂擁。而木惟是銃身重二百斤。藥力既大。而所載之車。則潤僅一人四寸。雖便捷而體輕。每銃一响。則車身跳起。發子高而不着。今試維車

轅長短僅爭尺許而蹶與不蹶因之凡數易數十番乃
定既定矣又前安照心以定銃枕之高下雖數百步之
遠鈔子去地只可三尺敵即伏地亦可打着以至臨下
則軒後轅臨高則軒前轅蓋一車而不言之數存焉非
嘗試而漫為者其在放銃之卒心知有三牌前障又此
銳循環不歇其試放之人雖兼以一門重止二百斤一
人推之四人輪之遍提輪放自然神意安定即使萬一
藥盡又可收而歸于大營何憂站立不住至于遠傷過
多或不止站住而已也此銃連發或藥咽薰蔽而不見
敵之去來又奴賊為奉集之推牌或濕絮破以抵我鉛
子便不能入更為飛天輪車駕高銃以倒擊之車高
三丈二尺為折疊之輪不用則收其製頂上為架亦要提
絞關以長繩升之頃刻高起矣其製頂上為架亦要提
心說二門令精健砲手于頂上點放四旁以彈護之人
亦不見再用繞轅輪扯提心換放亦循環不歇架前亦
安銃枕每低五分則近五十步高五分則遠五十步從
高倒擊無處可遁如此車一行衆小車皆前一魯以
衛此車之足而此車上之大又作小車之狀奴更難作
慢天木牌以抵我耶則奴望而欲為之毋論其製不得
見即以意為之乃今之製僅用一障木其性最堅故能

文法亦如
五花八陣
出沒變化
循環無端

勝任。奴士安得此丈長之堅體。若以他木爲之。鈍聲一振。有立折耳。又使用多木爲之。便凝重而難行。如此而車一軍。便有五六十輛。奴何能便。以此倒擊。未有站不住者也。至于倒擊過多。或不止站不住而已也。又于鋼輪車營盤并前後左右四門。每門左右爲二臺車。其製連二車盤爲一臺。上安二將軍二門。或平舉放不致震裂。并四隅共爲臺車乃十二。安二將軍者二十四位。亦從高倒擊。比于邊牆之墩臺而多。其輪間藏雜先欲大將軍爲三提心。著論一篇。今若變二將軍爲三提心。則墩臺之倒擊亦循環不歇。但尚未爲之耳。有此臺車。管進則臺車亦推而進。而又在側。鋼輪車或不止站立而已也。合車砲而言。則以四種之式。步步爲營。士卒咸有依倚。此實法也。步步惟之而進。士卒咸可轉動。此活法也。以鋼輪車爲營實法也。以臺車爲衛。以小車爲鏡。活法也。因門爲臺實法也。以臺爲車。以鏡爲冲實法也。以提心爲循環活法也。以鏡爲冲車實法也。以高虎賁車循環倒擊活法也。下營則張而向敵實法也。運行則將合車短長輪而放之活法也。有實法而活者愈活。有活法而實者愈實。實即不知奴之遇而不得不應。應而不得不發者何如。且愚以爲站立不走之法亦無踰此矣。凡

此製法。即用于前人者。止鋼輪一車。隙孔而安火箭噴筒等器于中。固有之。至于上施斜板。避風雨。中為運銃之心。下為三匣。變與夫小中車。長短尺寸。提心銃前後輕重平等。飛天火貫台車。皆番變前後。因營手造。以意授工。成之以為安營推營之法。大段主于如此。至于全營既成。仍有所必備者。如車營既已周環。中堅更有主張之帳車。與片將所之車。又有定營諸砲。與夫中軍規兵若干。驍馬若干。以備追殺。與夫推飛天虎貫以臨城。無雲梯之煩。而多其擊傷。其言難以盡載。又即小三軍以部同局。宗素之教習。陳放。令其觸處為是。奴兵雖多。終不敢近。而取我。而我反以遠。而取之。蓋不以士卒為中。而以銳為中。要令士卒一人不傷。至于每車五人。各持長短兵器。又自有宜備。而不必言者也。即今所進有其式。而製仍未全者。如防牌以內。宜有皮絮。每銃一位。提心仍加添四門。共成九門。庶先放之提心。火氣既全。乃更裝藥。飛天虎貫之車。盤尚有防牌。鋼輪車之車輪。尚宜高大。以便行之泥沙中。皆未及更備。而據現在以進。呈者。第以為其式如此。其大勢擺布如此云耳。部臣之意。竊謂內帑萬不可請。車木良材。多產南方。欲倡其江東富家。

驗助其成萬人一營然後敢以上聞及計所費其席
而人少有應者即職一年之內百凡節縮所餘約二
餘欲以多造若干並呈而職得代應行部臣差亦及爪
應還朝故僅將所製成鋼輪車一小冲車十幾天虎
貢車一臺車一提心鏡十門三匣弩小草一車與原造
官兵部扎付山海關車營守備馬可化新安衛舍人李
煥定海衛火藥千總邵忠遂同押進呈其職所剩銀
二千兩製車砲不及昔因水路不便搭解另疏差官
從陸解達交工部驗試如其可用即有諸臣見製車營不
皇上發下該部驗試如其可用即有諸臣見製車營不
妙命工部依此式為製一營令調到各兵將習之以至
盡禦虜之職職每見易言遼事者輒敗遼事為此稟
凡先後材官技士以獻策陳言至者無下百十職付之
扣之一不確即不敢收如此車砲諸法不但諸臣竭耳
目心思之用一一有可憑准即一一擬議之至切以為
必如此庶可以少佐中樞綱繆之用而一念芹曝不勝
倦倦焉已耳

倪公身在中邊而繫心民困易公身在內地而留神兵
法一為富關一為在山遙相呼應于千里之外

國家有人東西之小國不足平也讀其疏如金甯王拜

三事皆併
黔之急者
合撫一失
其策速有
大方之製
豈其不聞
此耶

隻字不可移易遂聯
其文以著雙壁焉

黔撫王三善兵進龍里解省城圍師次于宅溪

御史徐卿伯奏曰臣惟黔省被圍在去歲三月初七日羽

書告急則至以三月十七日也維時閣部大臣有見職者

皆蹙額長嘆葉以爲黔不可知矣其後求救之章日急一

日至撫臣之髮可截按臣之血可刺即督臣趙趙不進胎

書長安輒以廣寧喻黔即是前者指關以外之說此時即

旁觀局外者亦視萬鈞一系其勢不能以旦夕而况身處

鼎鑊之中冀得一人焉以抽其薪而止其沸又何怪乎大

聲疾呼或誓死以永訣或詬怨而洒涕也今以

聖天子之威靈撫臣之督率諸將士之奮勇脫羔首之弱
于虎狼之吻黔之得全幸矣然回想嬰城處守之初援兵
一日不至陷危一日不解且爲時益久爲計益艱羅雀掘
鼠嘆巢穴之已窮易子折骸嗟生靈之有限畏秦而却難
前晉鄙之軍委果無奇徒堅亞夫之壁計無復之有詰張
許于地下付馬革于夜郎已耳嗟嗟此情此景想天地亦
爲震怒鬼神亦爲飲泣故飢餓垂絕之余猶能銳斃賊首
火燒雲梯舉蕞爾貴陽城卒如銀墻鐵壁歷歲月之久攻
取之煩而不瑕夫然後一旅之師得以從容解圍猶望堅
城以爲向往不至力圖恢復遍地皆是氍毹有臣如此雖

致身其所當然不敢妄有希冀而

朝廷爵賞以待有功豈有靳焉職謂冲鋒破敵勛敘猶待
按臣而精忠大節所宜即與顯庸而恐後者也不然遼左
之役

皇上厚經撫以不歿而貴陽之圍薄賞撫按以守節何以
爲天下勸耶職所謂黔官功高之宜賞此也臣聞奏捷之
報其披靡大敗者或云十萬或云三十萬即安邦彥僅以
身免亦幾盡賊之噍類矣然何以不報賊之回巢而曰追
至老鴉關也老鴉關在省城之北離城只五里職前歲
來職道西川親友祖餞皆集于此然則所謂披靡者只五

十步之走耳。武功之焜耀固可以悅觀聽而夷情之叵測。恐尚費乎綢繆職。願撫臣乘破竹之威。掃蕩諸醜類。以奉廓清再奠之烈。且聞彼中疫癘甚行。糧糗亦出。我非乘人之危。彼自干天之戕。一鼓而盡殲其衆。轉禍爲福。黔可百年無事。是撫臣之大有造于黔也。即不然。陳兵境上。勒令奢社輝母子縛獻罪奎安邦彥李希璫陳玄黔等。仍削其地。以陸廣河爲界。而設一副將統兵五千以戍其地。此亦可以貽黔數十年之安。不然。草草結一援勦之局。如前日渝州初復。即議撤兵。且引周代猷免。漢家目頓爲証。則無策也。何也。猷免。冒頓。塞外之夷也。來則禦之。去則不追。王

者之待夷狄。自應爾。然此酋不惟與我同。中國且肘腋而腹心之患也。其電舉颺發。不啻燃眉剝膚。而我之拯溺救焚者。又率觀變于一步之內。擇地于千里之外。安得李。檉。史。永。安。諸。人。長。與。戮。力。持。死。以。得。全。于。萬。分。之。一。耶。臣所謂黔事之計畫宜周者此也。黔爲鬼方。地稱不毛。力耕火種。終歲之力作。止是供終歲之生計。今孤城圍困一年。高山白骨。抱撐鍋煮食之餘。野燦青燐。率箭頭刀頭之血。室廬化爲喂燼。丘隴蕩爲荆榛。歾者固含恨于九泉。生者又將尋夫丘壑。此何莫非天地之生靈。

朝廷之赤子。而忍令其展轉以俱盡也。尋常灾荒。且勞賑

貸之惠即他省兵亂亦蒙蠲恤之恩黔禍非比凶年黔民無賦可免職願

皇上體堯仁之如天舜德之好生或再另發

帑金十萬或令湖廣仍留南糧十萬石改運于黔以爲賑恤之資起白骨而肉之黔之民祝

聖壽以無疆矣臣所謂黔之民所宜救急者此也乃職更有說焉黔遠在天末荒瘠之臣止賴楚蜀爲之協濟今蜀亂正殷前項無出平時兩省交濟尤虞不足今日折此一股何處賠還况黔無大亂之後征剿之役未易結局征繕之費尚無定數取之願外還存手乎見少而縮之額內何

以能不困也。懇乞

聖明立下戶部將前項錢糧作何議補。庶久病得續命之劑。而尫羸收梁肉之功。桑梓幸甚。封疆幸甚。

黔師敗于陸廣鴨池

二月

翰林院添註待詔朱啓明獻鳳鳥呈祥賦其疏曰竊聞人主德合兩儀必申保佑之命功歌九叙允來嘉會之徵自古雲官鳥紀之世建後應圖受錄之君凡能俯慰黎庶仰協三靈者景福加臨不可泯滅然又有文學之臣鋪張潤色以垂之無窮是以芝房寶鼎朱鷺赤蛟洋洋管絃灼灼簡冊茲者鳳見中州斯誠不世之瑞伏惟我

皇上狗齊作聖明哲通玄道化周流德澤汪沛等乾元之覆育合坤載之網維誼薦股肱台輔合星辰之象心懷俊乂卿遼成河海之功起廢林泉月潤烟臯動色受言輦路

青蒲白簡生輝銷齊魯之疥瘍。或桴以靖。殲黔蜀之蛇豕。徒御不驚。綏撫西夷。金石動和戎之。賜振威東虜旌麾。加受劍之榮。斯真左右天經。戶臨神術。六合啓同人之頌。八方昭大有之和。億兆歸心。神靈佇瞻。鳳鳥之瑞。所以呈祥也。臣深維多幸。獲睹斯徵。昔在永樂二年。曾獲騶虞。侍講湯榮作頌。賦在史館。臣不敢謂敵金戛玉之筆。可追前人。特自附含哺鼓腹之歌。用彰聖瑞。敬作賦頌以獻。

賦曰鳳凰仁鳥也。彼其毓祥丹穴。騰耀紫氣鴻前。

魚尾龍文。右智左賢。戴仁膺聖。六德咸備。九苞悉舉。其所到之地。能使雷電不作。風雨不興。草滋木植。谷靜川。

澄德非常有瑞以時出惟大王者承乾順理調和陰陽
柔天者明審地者昌上假玄命悟禽見祥延頸奮翼集
於東崗斯軒轅氏圖錄之所存也赤綫玉繩降於杞樹
斯陶唐氏符璽之所遇也有虞揖讓作乂黎蒸乃爾儀
於紫廷焉西伯至德天休攸顧乃爰集于昌戶焉自是
以後神雀五鳳徒以紀年建武元嘉景德諸紀皆德不
載靈祥不配治夫又何能別其真偽耶惟我

皇上堯儀舜軌通玄化於自然天啓人從儼明命於顧
誤

御請幄之必勤聞鳴鑾而輒喜豈東帛之莢莢普林岩

之悉被台斗星高槐棘山峙平陽蒲坂二十五人之賢
臣顓頊高辛一十六族之才子無不寅亮天工明宣治
理元首股肱之泰明良喜起之賡後刑尚德教洽澤周
文經璀璨武緯綢繆思從風翔膏隨雨沃澄清金鏡雍
和玉燭天不愛道地不愛寶人不愛精覽德輝而下之
瞬千載而放靈縈標霞之紫氣繞天河之榮光紛虹霓
之燦煊增日月之輝煌斯真瑞中之瑞祥中之祥於是
人民歡忻羣工踴躍謳歌彌山海景仰偏寰宇莫不曰
斯鳥也奮騰輝脩然高適隱德幽光爲
聖明出故旋青旻而遐鶩辭瀛州以無藏如景星之灼

燦如慶雲之飄颻於惟

皇上承休祉受景命撫盈成於日中聖不以自爲聖論
臣工以交儆用答

上天之慶益務勤思治理勵精萬幾好學不倦從繩飭
維張皇六師昆明習戰中使朱提邊關澤徧霜肅風清
人無乘傳鼎輔有鳴和之聞台垣悉朝陽之選吏治嘉
慈和之能兆庶懷父母之戀英華道德浮湛八區普天
率土罔不沾濡要荒異服域絕風殊武功所屆文德所
敷莫不宣靈暢化鏤臆刻膚順則受奉琛之貢逆則獻
犂庭之俘天下恬然無事莫於泰山安於覆盂泰階平

而玉衡正帝德茂而

皇心愉然後知鳳鳥之呈祥誠盛世之禎符

頌曰聖作物睹今天朗地寧玄功丕載今至治無名
朝野不知今問之四夷羽族有鳳兮軼羣表珍五彩相
宣兮八風合節虞樂馭世兮堯文同轍千齡一見子史
冊寥寂惟我

聖主兮王猷允塞望日齊仁兮占天比德申祐自天兮
神靈斯呈山留瑞跡兮律協號聲鴻圖永祚兮駿福億
齡小_臣作頌兮敬炳丹青

晉翰林學士陳懿典爲少詹事

津要

經筵講官國子監祭酒蔡毅中進字學要覽疏曰臣聞蒼
頡作字而天雨粟則字者文章之祖天靈示之廣布也言
孳乳而浸多故曰字然一字有韻有音有義有點畫之從
而五方之音萬有不同歷代相沿七音四聲隨方淆亂至
唐則音宗沈約義尚類譜點畫之訛聖聖相傳體體相襲
字學之壞極矣宋臣朱熹始以吳越之補韻協三百篇之
音以羣儒之註疏釋古人之義點畫亦各有從而習者軌
泐可勝慨哉我

太祖高皇帝開天啟運文明揭日月而中天洪武正韻一
書卓哉萬世文字之祖猗歟休哉莫可尚矣天下學士大

夫以及博士弟子溺於見聞。徂於習俗。於音韻意義點畫。猶不知正韻之宗。擗詞一章。錯悞盈幅。蓋緣庠序不以課程。科場不以輕重。童而習之。白首紛如耳。臣自舞象時。卽攻此業。每讀書於每字。必求其義。考其音韻。清其點畫。積久成帙。昔在史垣。欲進

主。未果。今叨侍

經筵。叨司國子。則正字典文臣之職也。乃集四書五經字學要覽爲

皇上

經筵日講之供。五集註字學會編。以訓諸生。仿周禮保氏

教國子六書之法。且備詞臣進講之資。蓋

君執要。臣職詳之意也。其四書五經字有當辨音韻。當解意義。有當從之點畫。一定不可易矣。然字有一形而數音者。一音而數義者。不容不加分合。如辟字一也。分讀則有八音。慊字一也。分讀則有三音。惡字一也。分讀則有四音。數字一也。分讀則有五音。齊字一也。分讀則有六音。集在會編者。經書悉以音韻配義。析而分之。比而合之。纖毫必備。在要覽則止於各字各註一音。其分音不載。各音各著一義。分義不載。正文小註。疑難備收。似無遺漏。總之欲聖目目一覽。卽見。不煩翻閱。此愚臣一得之見。以愚益

聖之心也。若等韻篆隸說文韻畧諸書，臣雖日加考究，而於正學無補。若近年五經直音難字，有紀而有音，無義近
日歸德沈氏、關中劉氏、江陰王氏四書難字，有紀而有音，
無韻，有韻無義，且三分未有總收，偏而不全，博而寡要。臣
有蓬心焉，茲謹以四書五經字學要覽八卷隨疏上。

進其會編字多，一時繕寫難完，臣已捐俸鏤刻未就，容再
進呈，伏乞我

皇上誦讀之時，不棄要覽，俯

賜電觀，或可少省繁文，有裨

聖學之萬一云，得

旨、奏進字、學要覽、有裨考證、原本哥覽、仍舊刊板布行、該部知道、已而刊完、恭進成書、又上言、臣教中、前奏進經書字、學、遵

旨、送稿禮部、移咨工部、發工價八十兩、送監刊行、臣日甘疏水、悉損俸薪、今刊板始完、謹以要覽會編、並續進廣規、肅印恭裝一部上呈

御覽二十部供

皇上頒示

經筵日講諸臣講讀之用、計要覽經書八卷、共字七萬二千五百有奇、會編經書八卷、共字一十五萬一百有奇、廣

規三卷其字一萬九千四百有奇要之皆生于義畫之一
字也夫伏羲以一畫生八卦而帝堯演爲十六字曰人心
惟危道心惟微惟精惟一允執厥中而字學百千萬億之
音韻意義點畫和從皆肇于是矣是中之一字堯傳之舜
舜傳之禹湯文武孟子所謂禹之惡旨酒好善言湯之立
賢無方文之如傷未見武之不泄不忘皆是物也至孔子
曰君子依之聖者能之則知一中字包涵天下之道收盡
百千萬字之繁真萬古帝王傳心之要矣臣在成均日誦
高皇帝監規皆執中之訓而衍其義爲廣規三卷皆僭竊
發明一中之學以收百千萬字學之本源耳恭惟我

皇上登極以來時開

經筵時親

日講好學不倦字字究心言言考證萬幾之理敦孝明倫親賢納諫一一皆執中之用真上接十六字之傳紹二帝三王之統得

高皇帝規訓之心法矣臣以愚益

聖猶願

皇上千中之一字從喜怒哀樂未發前默識存養于發皆中節處體驗躬行凜危微之闢會精一之旨則此心如日中天無微不照而于百千萬字之音韻意義點畫相從之

是非一覽無餘矣臣今纂修

神祖實錄當

御極方及十齡首習書學其神絕精每于

清宮宴閑時以習書大字爲樂每大書堂額以賜輔臣而
字學之妙今古罕儔神祖字季背賢云習書可以誠意又曰心正則
筆正惟我

皇上誦讀之暇勤學于此亦正心誠意之大道云臣進字
言字故復申之謹以要覽會編廣規共三百九十九卷二
十一套隨疏上

進臣不勝惓惓待

命之至奉

聖旨覽奏進刻成字學廣規併陳典訓要指知道了書俱
留覽還另裝青帙的徑給講讀及正字官各一部不必具
本該部知道

宗伯公以諸臣推薦而陟官以不阿權璫而休致其於
出處之際亦既卓然矣昔在太天多著述壘聲海內及
任成均競競以斥私奉公掖勤勵情焉求已之事雖謗
怨沸騰視一綬不啻飄絮也緬其異資間出四齡便能
搦管弱冠成名然紀不以仕祿世味稍索其志自五經
至百家天文及草木無不研窮其源流古趣異同輕重
是非得失之歸隨筆所見入而成帙如字學要覽會編
廣規而外則有六經解火攻書卷已進呈悉蒙

優旨褒嘉一以為所心實學一以為詞林風望洵哉餘如
四時志已付棗梨詩存二十種擬授梓人此特公偶輒
之緒見耳烏足以窺其淵博乎哉惟是有解會而樂與
天下共知共覺不自宅為山藏枕秘必以上獻

富寧下裨後來始終不渝其公辦之一念斯真美而足紀
者方今樂廣河清兵燹之議紛如公必能起而折衷之
余小子拭目以俟焉公辛丑進士起家庶常河南光山
人子琮琨皆以能文名

三月

奉旨初諭
公供以內
外參用為
請而備輔
士之僅從
故事文
矣用外之
難望也此
疏雖善如
不用何

南科臣徐憲卿上書天下安注意相天下危尤注意于救
時之相今黃扉未嘗缺員也端揆坐師濟樞輔踞岩關
綦衆矣政以其衆也而支諉卸之豈盡得鹽梅之和票擬
亦未嘗無權也昂則爲雲低則爲泥爲鼠綦重矣然恐其
重也而調停布之未必收風雷之益偉哉輔臣葉向高等
之頻請添補閣臣也獲窟誰肯引同心乃向高再起未
越一載而屢請枚卜良謂時事多艱大厦非一木之支
相國職存賢在大臣之誼應如是耳乃未幾聞邸報奉有
會推才望老成幹濟簡用之旨臣不勝加額然枚卜于

今日謬謂論相稍變。豈令詞林一局。占定揆路。使剔歷中外之臣。明習庶務之意。強幹骨力之輩。無從去釣渭耕岩。同類而物色耶。臣非敢謂讀中秘書者之無濟于顧問。而可盡廢之也。不以內遺外。原立賢之經也。又非敢謂部院者之必當于平章。而可盡用之也。每以外叅內原。祖宗之舊也。臣姑無暇遠引。如金幼孜不以給事相乎。而絲御史相者。則有王毅。愍薛文清其人。張孚敬不以主事相乎。而繇審理長史相者。則有楊士奇。袁宗望其人。不特此也。黃淮以中書入。許瓚以推官入。陳山以鄉舉教官入。又甚而俞剛以生員入矣。此皆

祖宗朝故事何嘗必拘于詞林而其中相業琳瑯行已端潔若薛揚之取重中貴求一而不可得是亦內外兼用之明驗而毋奈枚卜一番諸臣紙敝墨淪以用外望之銓部望之閣臣而徂于相沿之衣鉢曰吾以守吾例也視

祖宗之故典又不若一私例之可憑見言之無以自解故陪外臣于尾末曰吾亦荐若人也總亦塞責之陋規何如不列之爲愈臣願輔臣襄此大典捐去窠臼其疏名上請也必一內一外相間而列爲

國運爭盛衰不爲衙門事情面令萬世而下紀天啓三年冲聖當陽首票枚卜相臣宏開薪樞兼用外內之制從茲

再票吾

君吾相不均荷其休歟此臣所謂論相之局不得不通者此也至于相臣之脉當一轉者亦自有說蓋自張居正以權開禍而繼者遂嚙指相戒江陵出匣之鏐化為繞指之筆如沈一貫朱賡至今鄙薄不已夫未出而望其出也交口以譽之既出而不能厭其望也又彈舌以侮之每每有初而辭終前恭而後倨則何以故良由矯枉太偏情面太重欲避權之名不覺脫權之實今何時也夷酋跳梁兵餉缺乏利害判于移晷功罪決于片言

下命則動徑停閣會議則築舍道旁首鼠兩端與調和衆

口均無當于今之。相要在實見得是。即一直票定。蹈虎尾而不辭。衆議僉同。即當下處分。負繩矢而不懼。斜封墨敕之降。力能封還。而不使外出。卿憲傳宣之輩。誠足感動而不使內燭作用。欲如江陵而去其驕。担荷欲如江陵而無其刻。托後輩爲虛遜。祇言首輔分功。不言首輔分咎。即十輔而僅同一輔之用。其何取于添陳竇之同心。房杜之謀斷。可倣而行之。廣樞輔之遺意。而廉靜者雍容論道博練者。分次行邊出將。則入相之人。而何悖于制。唐之以平章出鎮宋之以叅知經略。可倣行也。此皆相脉之一轉。而言論相之局。當一更者也。尤望會推諸臣去桃李之私。化門

戶之見勿擁戴以市恩而占風雨投契務求真正幹濟以資爰立。

大學士孫承宗謹兵政以隆大計慎使命以嚴大防。疏曰臣惟方今春防正急所在嚴戒臣以衰病日行閱城內外與撫鎮申飭調遣夜與幕中諸官商確動至夜分不解衣而假寐漏未盡輒徹披衣起治文書日復爲常而西虜日報掠劫時傳烽警所在要挾出語鴛鴦未得以漢法相羈縻東奴聞臣且帥大兵臨四圍則先驅四圍之人于北而土荒不治防戒自飭于敵即今窺伺未起而狡謀日在橫發所幸遇

皇上以輯寧天下爲心凡一語關東事無不立見施行爲
浩蕩

天恩有加無已凡此文武將吏無一人不感奮圖謀期以
仰報

聖明適聞

欽賞旣頒而又特遣近侍

勅使臣以不擾動地方以無虞仰見

聖心爲天下大計周切詳盡臣何能仰贊一詞且內臣原
奉 命交割罷甲金幣未有 與兵務之事臣方將與文
武將士仰戴

唐有觀賓
客使後世
讀之必覺
意明有此

天慈誓捐頂踵何得有言但中使關涉兵政自古有戒諸
邊人竊見

皇上命使不遣各該兵略大臣而獨遣治兵內臣又不遣
一人而更以四十餘人明例

敕旨遂各相擬議一謂

皇上特重邊人不難勞親近以遠慰組練一謂

皇上或不信邊人特擇親近以體察情形夫以邊臣治兵
無狀不能仰釋

皇上東顧憂勞敢謂體察之爲疑獨是主兵之臣所爲令
行禁止以抗顏軍中惟是仰藉

人情實和
笑

皇上信任威靈而體察之說一聞即主兵之臣心搖搖不敢自信又何以號令文武將吏而令其信諾不云乎君子善謀小人善意切恐諸人意之而生不信之心則主兵之臣且為輕人一二兵臣何足惜獨天下輕我

皇上之兵臣而法日窘又聞諸內臣欲從北邊來臣向以單車巡行邊人尚為驚皇而今以水雨荒廢之後又諸夷要挾之時令各該將領罷邊等而逢迎貴人各該士馬釋戈甲而供應雜役俱屬未便且中使俱忠勇善治兵者切計

大內所習見者耀日甲光凌霜鋸刃而各邊疲卒疲馬寧

堪當眼此時諸將吏欲伸志禮文而不能不誦意兵馬之
顛閱即諸隨從不貴講交際而不能不叅酌顛閱之兵馬
即臣欲諸將吏昂首而當貴人則恐爲慢

天使遂無以仰對

聖明慰勞邊臣之盛心臣欲諸將吏俯首而事貴人則恐
向來所培養提掇以養其飛揚強毅之氣稍稍見于眉宇
而一旦頓銷鑠于內外交際之文又恐無以仰副

皇上鼓舞豪傑之盛美山海斗大一城諸將吏閱邸報不
遑寧處者幾晝夜矣飲食居處百無可藉然臣所深念更
不在此凡以仰賴

皇上明勅不投地方自可無虞獨是中使覲兵古來有戒
即諸臣知道理仰奉

皇上明法不必過計而臣所深念殊爲惓惓即今

天語旣頒命使旣行無容再議但念兵不可玩使不可

常其或以創而成例或以暫而爲久天下不明于

皇上過信大臣之心而或疑

皇上有不信大臣之意是皆足以害政臣願

皇上嚴于兵事必飭使臣無以此行爲常今諸臣先布

皇上德意無遂以覲兵爲感誦以全政體以貽

國體

齊東野語
卷之二十一
附錄
一

御史霍鏌奏國史期于傳信。疏曰。臣惟宇宙有大經。雖當
紛囂晦塞之日。而人心直道。耿耿常存。霽盡烟消。天光立
見。有世道之責者。要于此際。剖明以存天理。關係良非細
故。乃邇來諸臣建白。愈出愈奇。黑白混淆。是非倒置。豈其
積慮處心。甘操入室之戈。相持以犯天下所不避。無亦同
此忠愛之發。而情有所屬。遂成水火之形。亦有共此好惡
之公。而意有所矯。乃決玄黃之戰。寃使言路蕭索。世道凌
夷。白馬清流。自貽摧折。而國運隨之。臣爲此懼。請以其
大者一爲折衷。以醒當世人心可乎。夫春秋之法。身無存
沒。時無古今。其罪不得赦。即或遺于當時。尤追誅于后日。

此三綱之所以不墜一統之所以常尊也。至所以寬假者以愛在。

君父遂遺誅討之公。舉數十年窺伺之奸。久已敗露。人人所切齒腐心。思啖其肉而不能者。一旦爲之洗盡。凡爲臣子中夜思之。忍乎不忍乎。敢乎不敢乎。借曰爲親者諱。爲尊者諱。春秋法也。此亦謂失在。

君父。臣子不忍盡言。特婉詞云爾。若

皇祖與

皇考。于父子骨肉之際。處變而不失其常。仁至義盡。超出千古。天下後世奉揚。

聖德之不暇有何可諱若夫禍蘊于歲月之久難禁于居處之狎情不及覺事不及防此亦

先帝適遭之不幸非有曖昧心腸難以舉示人者則又何嫌何忌而必使

兩朝實錄強爲亂賊遷就而大失其真乎如謂

冊立分封之后遂可無疑則張差之事不見于儲位已定之日

平臺宣諭之後遂可無疑則崔文昇等之事不見于

大寶既登之時乃不幸而實有此事也此即善爲諱者必不能爲持挺原未入青宮泄補之藥原未繼女謁而

進于御也。天下自有耳目。臣民自有心知。豈在人情疑似之際。懸虛而斷乎。蓋至機局屢易。總此線索一條。而垂簾之覲覲。復欲傳向者衣鉢。乾清久據。真可寒心。向非楊遠左光斗諸臣拚命力爭。二三元老維持左右。

聖明在御。恩義兼隆。臨机決策。毫髮不爽。天下事非有智者不可。至今仗義忠臣驚魂未定。每一追論。輒致疑亂。臣賊子之猶緩。天誅思一得當。以申沐浴之請。乃無端而力開四面之網。則臣之所大不解。又其甚者。

三王並封一揭。陰陽近合于國本未建之時。此固亂賊戎首。久爲人所唾罵。而不齒者。亦復比之洗日虞淵之輩。

乎。夫事無與萬世之名義情不係於一世之倫常又不關于誅亂臣計賊子之大法或猶可參以岐趨之見惟是非常之事臣子所疾首痛心而不能自己者斧鉞之誅從古無有二義第今此義常明而不晦則此言亘古而不磨。

中國之不化爲夷狄人類之不殄爲禽獸全係于此臣之所以反復思維而卒不能已于言也。倘執南史之簡者此有處焉據事直剖略不假借亂賊之陰謀陽惡自著而兩朝之止慈止孝自彰。國是定而世道賴之。知我罪我又何坦乎抑臣于是而又有感于持論之不平者紛如也。東夷弗誦。覆轍相尋。大要法紀不明以致喪師辱國。能廷

弼剛復自用致悞

封疆鉄案已成十載不易誠宜速正刑章以快公論而必
林廷襲引旁及多人無乃啓我

皇上猜疑外廷之漸而開傾危者以羅織之門化貞既任
封疆墮賊術中委而去之即憐才有心何能以撫民款虜
之微長掩其喪師失地之大辟如必欲寬一化貞以甚一
廷弼之罪正恐廷弼之梟只有廷弼而反借化貞得一幸
免之例可不深長慮哉况同此遼陽被逮經撫厥罪惟均
何至藻銜之法嚴于經而寬于撫嚴于今之經而寬于前
之經與撫此則議論之不平者也又如遼東巡按方震孺

楊一桂陳士廷同論以疆事壞也自簡森然誰能寬貸
第思在巡方糾劾功罪者不識與封疆守禦之臣當有
分別否募兵御史游士任與何棟如陶朗先聞議以糜餉
多也招搖過里誰信其爲念毋受過但萬有餘衆之兵業
已分發各處不識與旋覓遊棍私販軍糧之賊臣又有分
別否罪異而罰同恐非所以示懲也又如安酋發難兇鋒
不可向邇人情觀望裹足不前乃有奮不顧身之馮勞謙
首先赴敵解重圍而出會城于水火此援蜀第一功勞何
以不與戴君思等同沾優敘妖氛猖獗虐焰彌天來斯
行提一旅轉戰于廣川東省之間所在皆有奇捷此固道

臣之能。然非天津士卒招徠有素。不及此。至今優敘未及于發縱。而厥初招選兵將之罪。自嚴何以不與李邦華并入紀錄。功同而賞異。恐非所以示勸也。諸如此類。旣覺臣心之未安。必知公論之不平。因并一一拈出。以備司衡之採擇。伏乞 嚴勅臣工。各捐成心。以維直道。以明千古綱常。與乾坤相爲不毀。議論悉平。明之休賞罰。令是非之公。如此。而臣受和衷之蔭。

國家享和平之福矣。

以禮部左侍郎孟時芳充

寶錄副總裁。

兩朝從信錄卷十七終